

欽定剿平三省邪匪方略

欽定剿平三省邪匪方略正編卷一百十四

巳未年

八月初六日

壬辰

明亮與肇奏言張漢潮股匪蓄

意奔竄豫省經

臣

於西北兩面往來截剿並於

商州一帶入豫要路嚴密布置留鎮臣關騰收

齊落後官兵五百餘員名在彼幫同知州陳祁

帶領鄉勇堵禦賊匪不敢乘間窺伺向白浪至

袁家灣等處偏東挺走查該處離楚省二鄖較

近且聞鄖陽府兵守空虛僅有署副將遊擊郭  
廷樞帶兵一百二十七名已往金家坪堵禦又  
接倭什布來咨知川匪亦入楚境若張逆乘間  
竄往前有川匪滋擾又再添一股賊匪蹂躪關  
係匪輕臣星夜督兵沿豫省邊境荆子關青山  
一帶行走既可顧住豫省又可繞出賊前迎頭  
擊剿二十二日馳抵鄖陽府該處居民聞賊匪

竄至狗頭坪相離甚近俱極驚慌逃避及

臣到

彼面加撫諭以後面大兵接踵而至爾等毋過

惶懼人心方定並飭鄖縣知縣葉治曉諭居民

妥爲撫馭是晚據探信兵勇擒獲賊探徐琮趙

奉二名訊知張漢潮探聞鄖陽府有大兵攔截

由原路折回向高壩店竄逃

臣

卽趕緊兜剿及

繞至長崗嶺張漢潮又復潛回中村土門一帶

向鄖西東趨

臣

又從紅廟子趙家川抄截賊匪

竄至十里坪梁家墳等處滋擾

臣

沿路見鄖西

鄉勇圍集甚多皆自備乾糧實心捍衛然無官

兵督領恐不足恃是以

臣

飛卽抄道趙家川趕

赴鄖西查看該縣僅有候補守備把總修永宏

典史李殿英帶領鄉勇守城糧道恒慶知縣孔

繼樞分帶兵勇已往上津鋪漫川關一帶堵禦

臣沿途安撫百姓並鼓勵鄉勇小心實力防堵  
現有官兵迎剿毋得稍存退縮該鄉勇均極勇  
往適據探報張漢潮率領餘孽竄至七里溝

臣

聞信連夜督兵進剿行抵白崖寺恐該匪聞風

先遁當卽傳令官兵潛蹤匿跡由山坳進發詎

該逆翻山又從蒿坪河道走

臣

卽由中村一帶

尋蹤躡逐二十六日探報賊匪在辣椒園屯紮

臣飛卽於二鼓發兵黎明馳抵該處賊匪業已

拔營前竄相隔不遠當卽飭令馬步官兵馳逐

連翻三座大山趕至六七十里行抵紅河寺始

得追及賊匪後隊官兵直前衝撲該匪爬越山

梁合成大隊分頭抗拒十分兇悍臣飛飭愛星

阿侍衛富蘭等督率索倫馬隊廣東官兵搶上

左手山梁臣興肇同鎮臣長春協領那全等帶

領步兵搶上右手山梁

臣明亮督領侍衛墨爾

根額副將多爾濟扎普等帶領馬隊百餘名及

甘涼步隊從山腰突入正遇賊隊矛手衝出索

倫甲兵德尼保首先射賊左肩受有矛傷仍趕

射賊衆官兵奮勇直前鎗箭齊發斃賊四五十

名生擒騎馬賊人曾義順等七名賊衆抵敵不

住翻山遁走適遇愛星阿等從山梁下壓

臣興



肇從對面施放鎗礮三路齊進斃賊百餘名生擒姜發祥等三十七名追殺六七里至柿坪地方忽從兩山溝內突出二百餘矛手截斷馬隊被委叅領驍騎校都爾博卓爾渾保領馬隊衝擊殲斃大半餘匪扒山亂竄千總李文秀因箭全射完身受矛傷陣亡索倫領催濟爾噶圖生擒執旗頭人陳思源一名訊知張漢潮遙見官

兵從山上壓下賊匪殺傷甚多卽帶領男婦老  
幼先行逃竄騎騾翻山跌下坡來墊傷左腿冉  
學勝等趕來扶起拉跑頭人徐朝恒亦中箭身  
死<sub>臣</sub>因官兵追趕一晝夜暫令歇息仍復鼓勵  
追擊使賊匪喘息難寧若遇慶成永保帶兵前  
來可期合圍殲滅<sub>臣</sub>思該逆一經官兵趕及何  
以卽先聞風捷竄細加躡探緣到處有一種山

匪無室無家向來學習邪教與之送信兼之沿途山廟寺院總有一二僧道賊匪屢次經過並未躲避亦從不見傷害難保其不爲賊使是以我兵日夜往來兜截該匪總得向無兵處所游奕躲避

臣

一面飛咨該督撫嚴飭地方官不動

聲色密行訪拿並將山廟寺院僧道飭令移住近城廟宇安置俟剿竣賊匪再行釋回以絕積弊

同日倭什布奏言李淑等股賊匪前次攻撲房

縣城池經臣派兵擊退後遂竄聚西南三十里

之銀杏坪旋有房縣生員王占觀被裹逃赴

營投到據供此起賊匪有青藍白三號藍號係

李淑青號係徐添德合爲一營共有八千餘人

白號係宋厯子另爲一營共有三千餘人各賊

多係四川達州人因李淑原籍襄陽邀同徐添

德等要從保康南漳逃往襄陽臣以該匪既注

意東趨則軍馬堡黃龍堰陳家鋪俱係東竄要

徑當就現有兵力於該三處扼要分駐晝夜防

範詎賊匪於二十四日午後分爲三股每股約

二千餘人由軍馬堡黃龍堰陳家鋪分路並竄

官兵施放鎗礮賊亦放鎗抵拒相持一晝夜不

期餘匪傾巢而出卽於是晚繞至房縣南路由

藍灘柏木坪一帶疾趨而東竄入保康之壽陽  
坪次早三路賊匪又各退去俱向南奔官兵分  
路追擊沿途均有斬獲

臣

以賊匪既入保境未

便徒事尾追轉致促之使東當卽率領兵勇由

房縣北路晝夜兼程二十九日抄赴保康賊已

竄至該縣歇馬河螃蟹溪等處有入南漳之勢

臣

現在分兵兩路由東北兩面悉力兜圍總期

逼歸西南山徑不使竄出平陽大路直犯荆襄  
至山西頭起官兵不日即可到襄臣已飛飭領

兵官取道南漳迅速來營沿途如遇賊匪卽行  
隨處截殺所有漢江一帶船隻早飭令地方官  
一律提禁現又飛札襄陽府張琮派員往來稽  
查無論大小船筏均不許在南岸停泊其往來  
商船亦令緊靠北岸行走以免賊人搶渡現在

河南撫臣吳熊光已派道員完顏岱陳鍾琛帶  
領豫省兵勇在光化老河口駐劄防江臣並飭

知該委員等察探賊勢協同楚省北岸兵勇沿

江實力防堵刻下江水寬深賊匪斷難飛越惟

現據巴東興山等縣稟報川省夔巫大寧賊匪

經官兵分路剿殺情急亂竄現有一股衝破巴

東之湘泗嶺卡由老林行走向房縣奔竄臣查



巴東所設兵勇各卡本在沿渡河以內而現在  
賊匪竄入之湘泗嶺係在沿渡河之外向係該  
處居民自集義勇防守相去官卡尚有八十餘  
里當卽飛飭防守巴東之宜昌鎮總兵王凱酌  
帶兵勇將此股賊匪截剿出境卽於湘泗嶺安  
卡嚴堵茲據防守房縣邊境之副將樊雄楚等  
稟稱十六日探聞川匪一股由巴東湘泗嶺繞

至房縣邊隘以內之五里坡滋擾該副將帶領  
兵勇直前迎剿殺斃賊匪三百餘名生擒石映  
蓮等男婦二十九人搶獲白旗兩桿上書田字  
藍旗一桿上書中營總兵字樣訊據獲賊供稱  
賊中頭目係辛袁張三人餘匪翻山越嶺由洛  
陽河抄向九道梁竄去當卽知會該處巡檢黃  
詔截其去路以便兩面夾攻詎賊匪竄至九道

梁烽擁撲卡該巡檢帶領鄉勇衝入賊隊殺死賊匪五六十名黃詔力竭陣亡適樊雄楚帶兵趕到從後截殺又斃賊多名賊由九道梁竄入上龕正在追殺間復接探報後股川匪亦由湘泗嶺竄入仍向此路行走誠恐陰條嶺一帶邊卡前後受敵卽帶兵轉回截剿等情又據探報前次竄入竹谿之羅半年一股現又分爲兩股

其頭股已由漳洛河蒙果寺一帶竄聚房縣白  
玉坪上龕等處與湘泗嶺竄來之賊會合人數  
甚多其後股仍在竹谿邊界向家壩一帶遊奕  
並據被裹逃出之胡長發供稱現竄上龕之賊  
目係樊高二姓羅半年並不在內臣查此時賊  
股紛奔其首逆姓名或有假託著名之賊以張  
聲勢者其現來之高樊二姓及辛袁張三人是

否卽係高均德樊人傑辛聰張添倫等未得其  
實惟該匪等屯聚上龕無兵剿辦

臣

所帶之兵

尚不敷剿捕李淑等股之用實難再行分撥而

房縣城垣低矮恐敢賊匪窺伺之心

臣

於現帶

兵二千餘名內又酌撥二百名派員帶領前赴

房縣協同本汛兵丁及原僱鄉勇實力保護以

免疎虞其各處義勇究不足恃

臣

現在遍諭居

民憑山結寨將人口糧食盡歸寨內併力守禦  
免其裹脅掠食刻下早稻將次成熟現亦諭令  
居民趕緊刈穫以絕盜糧臣伏查楚北與川省  
連界處所雖經設有避卡第地界綿長各卡相  
去數十里不等而每處所設兵勇又止數百名  
今川省各股賊匪經大兵分路截剿情急狂奔  
盡圖入楚楚之荆襄素稱重鎮且北連豫省東

接三江最關緊要以現在情形而論自以楚北

爲重臣現已飛咨勒保卽派領兵大臣多帶勇

敢鎮將統率重兵速來楚省會同勦捕如能卽

就楚地以次殲除固屬甚善否則亦將各股竄

匪仍行逼歸川境以期聚而殲洗均奏入

上命軍機大臣傳諭明亮曰張漢潮一股最爲狡詭

自經官兵截殺輾轉奔逃其意竟欲勾合各股賊

匪乘秋涼時一同突入楚境肆行滋擾今因豫省  
邊界防範較嚴不敢窺伺復向東鋌走竄近鄖陽  
一帶往來奔突鬼蜮伎倆實爲可恨幸而明亮沿  
豫省邊境繞出賊前馳抵鄖陽在十里坪紅河寺  
等處兩次將賊匪大加剿殺賊始翻山逃遁未能  
竄入楚豫此皆由明亮預揣賊情迎頭繞擊得占  
先著是以能將賊匪截回深堪嘉獎惟因慶成永



保落後遲延不能併力合擊又任乘間西竄此則  
慶成永保之咎自當查明另行核辦至明亮現已  
帶兵向西追擊不予賊匪以暇自屬正辦但楚省  
此時奔竄股數較多李淑宋厯子徐添德外又有  
川省賊匪高均德樊人傑辛聰張添倫等分股竄  
入竹山竹谿等處以大局而論楚省勢頗緊急倭  
什布處兵力甚爲單弱而川兵至今總未入楚且

路徑紛歧難以處處堵禦若賊匪深入楚境或入豫省邊界殊有關係前已調盛京兵二千名今又續調吉林黑龍江兵各一千名令其赴楚協剿並令額勒登保由東鄉前赴鄖陽一帶幫同剿辦此時楚省情形最爲著重明亮追剿張逆一股勢已窮蹙且據奏該逆翻山逃竄時又墜傷左腿自難遠颺明亮此時如已與慶成承保會合四面兜圍

將張漢潮卽時擒獲固屬甚善倘尚在奔竄而慶  
成永保迎頭堵截已將張逆圍困不能復行他竄  
可無須明亮在彼協擊明亮當仍回二竹一帶與  
倭什布奮力剿辦楚省各股竄匪若明亮察看慶  
成永保二人尚未可恃亦不可因有此旨卽將張  
漢潮一股諉之慶成永保二人以致垂簷之賊復  
延殘喘況明亮追剿張逆已半載有餘若功屆垂

成又復舍而他顧不卽乘勢殲除豈不可惜此事  
總在明亮酌量情形預操勝勢也又據奏賊匪一  
經官兵趕及聞風提竄竟係該處山匪及山廟寺  
院僧道暗爲送信等語官兵往來兜截而賊匪總  
向無兵處所奔竄自必有潛爲探信之人但恐不  
止山匪及僧道等卽軍營內鄉勇民夫亦恐有爲  
賊匪耳目者明亮務須嚴行稽察設法防範不使

賊匪得以知我虛實庶可收攻擊之效所有此次受傷陣亡之千總李文秀著各部賜卹

上又命軍機大臣傳諭松筠曰前據明亮等奏與慶成永保會籌分路截剿張漢潮一股竄匪本期兩面夾擊不予以暇乃自明亮與慶成永保分手後明亮則已於七月二十二日馳抵鄖陽迎頭遮擊賊匪不敢闌入楚豫張逆業經折回而慶成永保

自前此奏報之後已閱二十餘日如何追躡情形並未見續有奏報已屬遲緩且明亮上次摺內卽稱張逆若折回商南一帶慶成永保相繼而至可以四面圍圍此次摺內又稱現在直前追擊若遇慶成永保帶兵前來卽可合圍奮擊而慶成永保有無信息則所謂在後追躡者究係何事豈又遇別股賊匪爲之牽綴抑竟有意逗遛不進耶向來

軍營疲玩因循又忌人成功不肯出力幫助最爲惡習看來慶成永保竟不免忌明亮成功有心貽悞著松筠卽將伊二人何以遲延多日並未趕上賊匪此二十餘日內究在何處帶兵前進日行幾里是否途中遇有別股賊匪在彼剿辦抑竟在何處扎營坐守逗遛不進之處切實密行查察松筠平日最能實心任事之人且初到督任於軍營帶

兵大員無可偏向況松筠現在辦理軍糈如有此等擁兵玩悞惟知坐糜糧餉之人亦豈不同深憤恨務須秉公詳查據實具奏如慶成永保果因剿辦他股賊匪遲延尚屬有因倘係觀望不前日行不過二三十里或竟有畏賊逗遛及忌功阻撓情事則軍紀自有明條松筠卽當按其情罪重輕據實叅奏候朕核辦



上又命軍機大臣傳諭倭什布曰川省賊匪因各路官兵分頭迎剿情急狂奔而賊首李淑等各股賊匪前因氣候炎歊在山藏匿近交秋令始出而肆擾又窺楚省兵力稍單是以盡圖入楚現據倭什布飛咨勒保選派領兵大員速領重兵赴楚會剿前已據勒保奏報派令德楞泰帶兵由陰條嶺馳赴湖北而山西頭起兵丁已入楚境其後起兵丁

及盛京兵二千名已諭知吳熊光妥爲照料迅速  
進行計皆可陸續到楚今又於吉林黑龍江各調  
兵一千名亦可接踵入楚復因帶兵大員內惟額  
勒登保奮勇素著剿賊認真已諭令額勒登保由  
東鄉一帶馳赴鄖陽是各項勁旅新兵雲集楚省  
而又有額勒登保督率帶領自可以次殄除此時  
倭什布惟當董率各路兵勇實力嚴防相機辦理

以待大兵踵至總由東北向西南兜剿爲一鼓殲擒之計至勒保於七月十二日接據倭什布咨會卽飛行德楞泰令由大寧通巴一帶赴楚今日倭什布奏到之摺係七月三十日拜發相距已將兩旬不但德楞泰尚未到楚且摺內亦未提及德楞泰入楚信息著倭什布差人前往迎探催令迅卽到營將來德楞泰到後伊於此兩旬中究由何處

行走因何在途延緩並著倭什布詳晰查明據實  
密奏其禦賊陣亡之巡檢黃詔卽著咨部賜卹

上又命軍機大臣傳諭魁倫曰前據勒保奏額勒登  
保帶兵直追王登廷一股賊匪由鎮龍關一路前  
進因思現在各處賊匪惟湖北最關緊要而各路  
帶兵大員惟額勒登保一人最爲勇往出力此時  
賊匪王登廷在東鄉一路卽或窮極奔竄亦不過

旁及西鄉平利一帶非楚屬逼近豫省者可比以  
久經行陣奮勇素著之額勒登保剿此僻地窮蹙  
之賊未免長才短馭計此時魁倫將次可抵達州  
而王登廷一股賊匪有總兵許文謨及副將穆克  
登布等在彼追剿亦足殲滅餘黨魁倫接奉此旨  
著加緊馳赴東鄉一帶督率許文謨等專辦王登  
廷一股替出額勒登保令其迅赴楚北鄖陽鄖西

保康等處跣探房竹間賊蹤趕緊剿辦其應帶之將弁兵丁俱聽額勒登保自行選派帶往

上又命軍機大臣傳諭額勒登保曰自用兵以來各路領兵大臣惟額勒登保實著勞績深得衆心且於軍營辦理糧餉事宜亦甚廉明朕心深爲嘉獎今祇令辦理王登廷一股賊匪豈非長才短馭朕已降旨諭令魁倫另行派員辦理現在各股川匪

竄入楚境者甚衆額勒登保卽帶領平素得力之兵速往湖北由鄖陽府取道前進此係從東北向西南擊剿德楞泰現由西南追趕前來正可與之前後來擊額勒登保入湖北境後或遇現調來楚之山西兵及盛京兵卽酌量帶領迎頭前往擊剿如能在湖北境內將賊匪全行殄滅固屬甚善倘一時未能完竣仍向西南追剿使賊匪退回四川

亦無不可惟在額勒登保勉副委任也

上又命軍機大臣傳諭秀林那啟泰曰現在川陝楚  
三省邪教有名首逆陸續剿滅餘匪指日即可掃  
除從前吉林等處所派兵三千名從征已二年有  
餘東馳西擊兵力未免勞疲著秀林那啟泰於吉  
林黑龍江兵內遴選人材勇健技藝熟嫻者各一  
千名再於章京內慎選明白奮勇約束嚴明之員



帶領前往並卽將器械盤費等安爲備辦編隊起程俟到京時再行加恩賞賜前往軍營以資剿辦毋得遲緩

上又命軍機大臣傳諭胡季堂曰前次諭令盛京挑選健壯兵丁二千名於本月初十日前後可以陸續到京現又於吉林黑龍江各調兵一千名亦令赴楚協剿此項兵丁行走迅速所有經過直隸應

備車輛飯食等事著該督卽通飭所屬一律先期  
備辦以便到站遄行毋令在途等候至兵丁等經  
過沿途理宜安靜行走並著該督察看帶兵各員  
是否能約束兵丁在途不至騷擾之處據實覆奏  
上又命軍機大臣傳諭吳熊光曰前經降旨令各省  
挑補兵額因河南省存兵有八千餘名又從前奏  
准暫募新兵五千名爲數較多是以未經議補今

思該省與陝楚兩省境壤毗連之處甚多現在川  
省李淑等股賊匪竄赴湖北鄖陽一帶而在陝之  
張漢潮一股時常窺伺豫境冀圖假道河南竄回  
襄陽是豫省之東西南三面應行防堵之處不一  
而足必須兵數充盈方足以資調遣著吳熊光卽  
刻查明現在該省實存兵數若干缺額若干照數  
於鄉勇內挑補足額旣足以敷應用而壯聲威且

一經入伍加之部勒更少游食滋事之徒實爲兩  
得至該省各路防堵情刑襄陽爲賊匪起事之處  
最關緊要不但將南岸船筏提赴北岸並須時刻  
偵探賊蹤嚴爲防堵其張漢潮一股亦應防其竄  
回商雒而李淑等股在南漳一帶滋擾毗近襄陽  
與豫境緊接均應防其竄逸吳熊光務宜督率將  
弁於各要隘處所嚴密堵禦勿令陝楚股匪一名

闕入再本日倭什布奏山西頭起兵丁於月初已  
入楚境山西兵丁久經檄調並諭令吳熊光妥爲  
照料通行此時湖北亟需兵力而此項新兵頭起  
於月初始入楚境行走未免延緩著吳熊光卽飛  
飭沿途各屬將應備車輛等項妥爲備辦俾後起  
兵丁迅卽赴楚勿再稍有濡遲現在盛京兵二千  
名日內亦將次到京今又於吉林黑龍江各調兵

一千名陸續赴楚吳熊光務須先期籌備令各項兵丁到境進行毋致在途等候況此項調派之兵雖赴楚應用皆係保障豫省是爲楚卽以爲豫吳熊光當深明此意也

初七日

癸巳

魁倫奏言

臣

仰蒙

恩命署理四川總督於七月十八日起程初一日行至邠縣遇見廣興面詢川省軍營情形據稱現

在兵餉爲第一要務該處兵丁有兩三月餉銀

未經給領者該兵丁等衣履不備

臣

聞之不勝

駭異前此屢發帑金數逾千萬卽廣興解往之

項亦甫經數月何以不敷支給

臣

先於三十日

行至王湖地方見山西撫臣伯麟卽云近日勒

保奏請撥餉五百萬兩先向山西借撥四十萬

兩是該處軍糈不足似屬實在情形

臣

卽囑其

一奉

諭旨迅速起解趕赴川省臣亦擬於過陝時面諭沿

途地方文武迅行接遞護送以應急需至於棧

道一帶昨據廣興言及尚有賊匪出沒道路時

通時梗臣現擬至西安探聽的確如尚有賊匪

蹤跡就近與慶成永保商酌預行派撥官兵

備護解餉銀速進並察看陝省興安一帶情勢



該處有永保恒瑞等帶兵搜剿慶成如可分身  
臣卽與之同赴川省倘一時慶成不能赴川

亦同慶成商酌量帶兵勇一面搜捕竄伏匪徒  
一面遄行取道徑赴達州接印至明亮現在是  
否追捕逸匪已向鄭西抑或折回山陽商州之  
處未得實信統容抵西安後探聽得實一切欽

遵

諭旨辦理奏入

上命軍機大臣傳諭魁倫曰據稱廣興告知川省兵丁有兩三月餉銀未經給領者兵丁等衣履不備該省軍需節經撥帑數逾千萬此次廣興所解之二百五十萬兩到川未及數月何至不敷支給卽形匱乏其故殊不可解向來軍營積弊任意虛糜帑項甚至餽送權門及私運回京自肥囊橐朕素

所深知今辦理諸務力加振頓斷無復有賄賂權  
貴之事而私運回京者恐尙未能盡絕廣興所見  
軍營情事自因勒保發給軍餉未能公平所致况  
兵丁竟至衣履不周其不體恤士卒已可概見並  
恐與福寧等尙有別項情弊魁倫平日辦事尙能  
認真素有廉名到川後務卽詳細訪查勒保支發  
餉銀是否均勻或係耳目未能周察之處兵丁等

不免向隅抑或任意愛憎於親隨者濫行賞給其  
餘視同膜外一任偏枯甚或竟與福寧等有營私  
肥己之事均須徹底查辦魁倫竟須大破情面仿  
照伊在閩省辦理虧空之案據實嚴叅不得稍有  
瞻徇至廣興所解二百五十萬兩昨據林鶴奏先  
將舖戶借墊之六萬兩卽行給還尙有二百四十  
餘萬兩究竟作何支用魁倫務宜密訪嚴查將應

行叅辦者一面叅奏一面將該處軍營情形通盤  
核算現在實需銀若干迅速奏聞撥往接濟亦不  
可心存惜費致誤軍行或在該省騰挪辦理累及  
民間別生事故則更非朕意也再勒保自任經畧  
以來總未移營寸步大負委任並著魁倫察訪勒  
保此半年中於達州附近地方曾否有一二次遇  
見賊匪親行剿辦之處抑或一無所事安坐半年

一併據實具奏

初八日  
甲午

上諭內閣曰現在調派盛京兵二千名復調吉林黑龍江兵丁各一千名前赴湖北鄖陽一帶協剿賊匪所有經過直隸省自山海關入境至磁州出境沿途州縣本年應徵錢糧著加恩蠲免十分之三至豫省地方從前所調山西兵三千名及此次調

往之東三省兵均由該省行走所有沿途州縣本年應徵錢糧著加恩蠲免十分之五以示朕軫念民依至意

上又命軍機大臣傳諭吳熊光曰現因添調盛京吉林黑龍江官兵並前此所調山西兵俱由豫省行走前後過兵七千名一切供頓事宜皆由地方備辦業經降旨將豫省過兵地方蠲免錢糧十分之

王從前教匪滋事卽因調派湖南協剿苗匪官兵  
經過湖北地方該州縣等經理不善輒藉夫馬供  
應擾累民間以致釀成事端此次所調盛京等處  
官兵沿途行走雖已飭令帶兵各員嚴行管束而  
程頓夫馬究不免繹驛之煩但借資民力一節若  
於恩旨內寫入恐不肖官吏藉有明文更復公然  
派累是以未經明諭吳熊光不可不善體此意愛



惜民力並將蠲免恩旨刊刻謄黃徧行曉諭此時  
將屆開徵該撫務須督飭所屬實力奉行俾沾實  
惠毋使吏胥中飽現在所調山西兵頭起已入楚  
境而盛京官兵卽日到京其吉林黑龍江兵丁亦  
當接續前往吳熊光尤宜將續調勁旅新兵預行  
宣布以期先聲奪人安民心而寒賊膽至該省防  
江事宜前據吳熊光等奏已將南岸船筏提赴北

岸固屬備禦之一策但從前景安在湖北時亦曾  
如此辦理而賊匪仍由襄陽偷渡擾及南陽並未  
能阻其來路况沿江船隻卽使盡提北岸而賊匪  
將民房拆毀繫筏亦可徑渡此時江水盛漲稍有  
關攔一遇水落之時并可涉淺淌渡且或從上游  
乘流而下又安能處處隄防是提船北岸亦未可  
盡恃總在沿江水淺處所堵禦嚴密方不至有疎

虞昨已諭令吳熊光查明缺額兵丁照數挑補務須將此項新兵勤加訓練並卽令於江岸要隘處所分佈嚴防庶可得力再新調盛京吉林黑龍江官兵赴楚均須乘用馬匹前據勒保奏已札商松筠於陝甘各營內挑派健馬三千匹但祇足供盛京官兵之用况相隔甚遠而續調之吉林黑龍江官兵尙須預爲籌備陝省已調派三千自無多餘

馬匹從前曾將察哈爾出青馬匹調派八千前赴  
軍營因程途較遠喂養失時到彼已多疲乏不能  
得力今豫省距楚甚近預備乘騎自屬便捷著吳  
熊光卽於該省各營內酌量抽調善爲牧飼俟續  
調兵到卽可乘騎其各營抽調馬匹可得若干並  
著卽行具奏以便於察哈爾照數調往補額也

欽定剿平三省邪匪方略正編卷一百十五

己未年

八月初九日

乙未

勒保奏言查德楞泰朱射斗兩

路官兵於十三日攻克八石坪賊寨之後探得

張添倫辛聰率領千餘人向黃草坪一路欲由

巫山竄赴巴東朱射斗卽帶兵馳往追剿卜三

聘率其妻子數人向後窖老林內潛逸當派都

司馬文斌等分路搜擒並有僞先鋒姚先廷探

馬頭張宗泰率其黨與男婦一百十九名在通  
城途次棄械跪道哀懇投誠德楞泰以現當設  
法解散之時未便阻其向善之路當卽允准將  
姚先廷等派員解往夔州交插而張宗泰懇請  
隨營効力意甚真切亦卽准行訊知此股賊匪  
名爲線字號實係龔文玉爲首在夔州一路爲  
傳教總師封其弟龔其位爲元帥卜三聘爲先鋒

並無龔建其人亦非與卜三聘各自爲股其始  
已糾約七八千人迨五六月間節次散出並於  
八石坪被官兵剿敗後惟龔文玉收集二千餘  
人往徐家壩竄去欲跟尋徐添德等人駱德榜  
泰一面留兵搜捕一面卽督兵馳赴徐家壩沿  
途又搜獲餘匪並投出難民許星如等二百十  
六名二十日師次倒座子地方探得龔文玉等

已竄至竹谿所屬之大禾田遂連夜分兵兩路  
秦冲阿温春札勒杭阿由雙橋進發德楞泰率  
同阿穆勒塔穆克登阿達勒精阿等由老木孔  
小道繞出大禾田山頂截其竄楚之路適匪衆  
正在該處造飯我兵驟至當經馬隊衝入斃賊  
六七十名賊匪立形慌亂棄械跪投者三四百  
名餘衆悉奔串虎灣山梁擲石放鎗抵抗我兵



人人奮勇分路攻上鎗箭並發該逆等力不能  
支退遁瓦房灣官兵乘勢下壓斃賊二百四五  
十名生擒首逆龔文玉探馬頭張尚國等五名  
賊黨宋天富等二百八十一名口復追至徐家  
壩東溪河邊適值賽冲阿所領馬隊繞出賊前  
迎頭截住該匪等又旁竄筆架山滾岩落澗者  
甚多又擒獲龔其位之妻龔李氏並伊子三

龔文玉之女月英賊殺周其位等一百二十三  
名投出難民李興才等八十九名據供龔其位  
因見前後均有官兵卽棄其騎騾隻身跳下崖  
去不知生死統計此次先後斬獲共一千四百  
餘名實已殲戮殆盡德楞泰現將首逆龔文玉  
等各要犯委員解赴臣營並將現獲各犯訊明  
從逆久暫並實在被脅難民俱令先經投出之

張宗泰指認歷歷不爽均各分別正法並撫卹

釋放臣查此股起事之初先據夔州等處稟報

稱係龔建卜三聘爲首嗣後亦有報稱龔文玉

卜三聘爲首並稱龔文玉卽係龔建者嗣准倭

什布咨亦云八石坪賊首係龔文玉卜三聘二

人是龔文玉實係此股首逆今德楞泰訊供並

無龔建其人卽現據各處具報賊股亦久無龔

建之名自係從前所報之訛茲幸將線字號一

股殲除雖卜三聘襲其位尚未查明實在下落

而首逆就擒黨與殄盡辦理尚稱妥善並據德

楞泰呈稱此次官兵打仗甚爲勇往傷亡不過

數名另行查明咨部現在德楞泰已於二十一

日接到臣知會因李淑徐添德等竄入楚境卽

帶兵馳往房竹偵探賊蹤相機截剿臣一面催

令德楞泰迅速進兵一面咨行陝楚各要隘實力堵剿仍查明此次打仗出力之員弁兵丁另行保奏再臣前次欽奉

諭旨令查朱射斗一路鎗斃首逆包正洪之出力將弁謹開單進呈可否量加鼓勵之處出自

皇上天恩奏入

上諭內閣曰線字號首逆龔文玉在夔州一路爲傳

教總師經旨兵節次剿敗竄至竹谿所屬之大禾  
田德楞泰連夜分兵由雙橋進發繞出大禾田山  
直截其奔竄之路併力攻圍生擒首逆龔文玉賊  
黨賊匪甚多實屬奮勇出力德楞泰著加賞騎都  
尉世職德楞泰一路所帶兵丁著賞給一月錢糧  
以示鼓勵至勒保所奏查明朱射斗一路打仗出  
力之將弁各員著照所請副將王清弼賞給齊喇

巴圖魯名號遊擊羅定國李光晟著賞戴花翎遊  
擊鄭啟貴守備李錦麟薛陞桂涵著賞換花翎都  
司王榮千總徐恩楊俊把總蒲佑盛外委吳士洪  
馬駿猷馬兵梁錦義勇首張必祿著賞戴藍翎

上命軍機大臣傳諭倭什布德楞泰曰賊首龔文玉  
在夔州一路爲傳教總師自係李淑等預先糾約  
到楚滋擾故李淑一股首先衝入楚境邊卡第二

股辛聰張添倫接踵而至第三股高均德樊人傑  
第四股龔文玉卜三聘又相繼而來今德楞泰分  
兵兩路截剿將龔文玉生擒先後斬獲共有一千  
四百餘名所辦甚好不但湖北房竹一帶少一股  
賊匪竄入而李淑辛聰等亦必聞之喪膽此時德  
楞泰已帶勝兵馳往房竹賊匪自不敢折回西南  
探知楚省空虛必思東竄是德楞泰由西南而至



東北尚在李淑等之後若能於賊匪畏懼之時乘此勝勢鼓勵官兵從捷徑抄向賊前自東北逼往西南仍令折回川境大寧一帶該處屢經蹂躪村民逃避無可掠食自必益加窮蹙剿捕更易爲力昨據倭什布奏在保康地方分兵兩路由東北二面悉力兜圍該督惟當董率各路兵勇實力嚴防斷不可使賊匪再向東北奔竄逼近襄陽爲要再

山西頭起兵丁自己到營其在後各起並著倭什  
布飭令迅速行走以便乘新到銳氣奮力剿賊其  
盛京及吉林黑龍江兵丁亦接續前往倭什布尤  
應將勁旅雄兵齊赴楚省剿賊情形預行宣布使  
賊匪不敢再趨東北此亦先聲奪人之法也

上又命軍機大臣傳諭魁倫曰勒保奏德楞泰一路  
官兵生擒線字號首逆龔文玉並殲斃賊匪甚多

總勇泰現在帶兵馳赴房竹與倭什布協剿李淑  
徐添德等股賊匪已降旨諭令伊等實力堵剿與  
其令賊匪東竄楚省不若仍通回川境該匪等當  
潰敗之後勢已窮蹙自必仍向川省夔巫大寧一  
帶奔竄魁倫係該省總督斷無開門揖盜之理務  
須帶兵趕緊馳赴夔巫大寧一帶設法攔截乘勢  
剿擊以便聚而殲滅此事實責成魁倫不可使賊匪

入川肆竄蔓延也再龔文玉就擒後如已正  
法則已若尚未正法卽將該犯凌遲梟示

同日慶成永保奏言查張漢潮前竄賊股已至

山陽之東南明亮之兵由商南一帶向東南兜

截其前自山陽分股之賊經<sub>臣</sub>等沿途剿殺後

復於鎮安山陽交界之老林山溝內合爲一夥

約有千人折向商州藍田境內向西北竄擾該

逆前在終南山內不過往來狂奔疲勞兵力今  
見兩路官兵併力合剿復分股散竄分掣兵勢  
實堪切齒鎮安以西固有富成等帶兵兜截其  
商監境內西北兩面均無官兵剿辦此竅向西  
北奔竄之賊爲數不少若乘隙奔出峪口近省  
一帶不無驚擾臣等籌商必須分帶官兵併力  
抄截臣慶成同綸布春桑吉斯塔爾等帶領直

隸貴州官兵由鳳凰嘴前進臣永保所帶官兵

無多臣慶成又酌撥直隸貴州之兵由胡家嶺

前進連夜翻山越澗由林箐中覓路行走官兵

裹帶乾糧兩晝夜兼程露處登陟險隘趕至二

郎礮探得賊匪尚未起身該處山勢陡險翻過

大梁連接紅岩子要隘臣永保卽帶兵在紅岩

子設伏臣慶成帶領馬步隊直撲二郎礮一路

進剿官兵已入石碇該匪等詭詐異常即將礮  
口懸橋拆斷執旗排列隔崖恃險抗拒經我兵  
用鎗礮轟擊賊始稍退別無歧徑可通當令綸  
布春與侍衛定色魏吹札普帶馬步官兵伐木  
搭橋直隸新兵不善登山臣慶成帶領侍衛桑  
吉斯塔爾叅將朱士奉傳雲等挑帶貴州蹻捷  
之兵及精壯鄉勇數百名攀援陡崖繞上山頂

賊匪不料兵勇飛越層岩猶吶喊搖旗直前撲

犯官兵鎗箭並施斃賊二百數十人賊匪翻梁

跳澗向北奔竄

臣

永保卽率領兵勇奮力衝擊

賊匪猝不及防遂紛紛敗散追殺一百餘名生

擒五十七名餘匪竄入老林

臣

永保復派撥兵

勇沿山搜捕又獲活賊三十五名統計

臣

等兩

路共斃賊四百餘名生擒二百三名內有賊目



黃應華朱選二名當卽分別訊明其中有自孝

義被<sub>臣</sub>等剿敗後新裏之人爲日無多均卽釋

放歸業從賊旣久者概予斬梟餘匪約尚有三

百餘人連日藏匿深林潛向西南逃竄訊據獲

賊供稱張漢潮前已竄過山陽之南近日有匪

黨與各分股賊匪通信意欲由東南折回<sub>臣</sub>等

以賊供未可深信正在帶兵窮追餘匪又據州

縣稟報有大股賊匪騾馬甚多自山陽商南向西北狂奔藍田邊界是賊供竟屬有因查現向

西南逃竄之賊爲數無多勢孤力竭欲尋富成

所辦賊夥

臣

等若向西南追剿此股餘匪其大

股之賊必由藍田北竄西北一帶無兵攔截勢

必肆行狂竄

臣

守一面札致富成等將竄向西

南逃散餘匪一面相機截剿一面飛傳各卡隘

鄉勇協力搜捕<sub>臣</sub>等卽帶兵折向西北截剿大

股竄回賊匪該逆等信息相通得知分竄之賊

已被官兵剿散自必聞風膽落想明亮亦追躡

前來<sub>臣</sub>等得以併力合剿自可卽淨根株奏入

上命軍機大臣傳諭明亮慶成永保曰慶成永保分

路進剿張漢潮分股之賊斃賊四百餘名現因大

股賊匪向西北奔竄卽行帶兵前往截剿所辦雖

好但摺內敘及明亮一路吞吐其辭大露推諉之意前明亮奏鄖陽截賊之摺據稱現在直前追擊若遇慶成永保帶兵前來即可合圍分擊今慶成永保亦有想明亮追躡前來即可併力合剿之語一用若字一用想字設此時賊匪竄逸則追賊者可卸責於慶成永保堵截之不嚴截賊者又可諉過於明亮追剿之不力將帥不和卽此可見且此

等文法俱作揣度疑詞兩路軍行彼此尚不相關  
會又安望其同心協力耶明亮與慶成永保相距  
之遠必不如京師道里之遙今旣能奏達朕前有  
何彼此不能通信之處推原慶成永保之意以爲  
卽獲張漢潮明亮必居首功故不肯助其出力殊  
不知兩面夾擊厥功相等將來首逆就獲若在明  
亮一路亦賴慶成永保之迎擊賊前若在慶成等

一路亦賴明亮之緊躡賊後計功行賞必當一體  
加恩倘敢仍存意見樹黨忌功致張漢潮又復逸  
出則伊等三人縱賊之罪亦必一體示罰伊等俱  
係受恩深重之人今祇圖懷挾私嫌置軍務於不  
問推諉因循是張漢潮竟無拿獲之日矣帶兵大  
員豈宜如此互相猜忌致誤國事耶

同日壽寧有鎮總兵官王集奏言

臣

於本年七月

二十八日接准河南撫臣吳熊光咨稱業經奏  
明於二道河防兵一千名內酌撥五百名遴派  
叅遊等官帶領由羅山信陽間道迅赴樊城上  
下防守臣查駐紮二道河滿兵五百四十五名  
分防金家寨兵一百一十四名共兵六百五十  
九名茲卽於此內撥兵五百名令左營都司楊  
荃自二道河帶兵三百八十六名於七月二十

九日起程并飛飭六安營參將懷海自金家寨  
帶兵一百十四名卽日起程俱在前途羅山會  
齊由問道前進並咨會經過州縣料理道行至  
臣駐防二道河爲安省門戶頗毫太和光固息  
縣一帶地方民情素稱强悍六安金家寨亦與  
楚豫接壤均關扼要自應酌撥弁兵防駐以資  
保障奏入



上命軍機大臣傳諭王集曰王集接吳熊光咨會卽  
撥兵五百名派員帶領起程自己前抵樊城襄陽  
一帶地方固屬緊要但山西盛京吉林索倫官兵  
俱已陸續調派赴楚聲勢壯盛且近日德楞泰帶  
兵入楚大獲勝仗生擒線字號首逆龔文玉痛殲  
匪衆其闖入楚境之李淑徐添德等聞風膽落料  
亦不敢復行東竄擾及樊城若賊匪折竄川省去

楚已遠樊城一帶實已寧謐無事王集卽一面奏  
聞一面將派往兵丁調回仍在二道河防守以資  
彈壓可也

十一日

丁酉

上諭內閣曰現在添調兵丁剿辦教匪卽歲事後尚  
有辦理善後諸務需用較多著於部庫內發銀一  
百五十萬兩解交松筠存貯內務府庫發銀四十

萬兩解交吳熊光於河南藩庫存貯均卽照例解  
往聽候川楚二省撥用

十二日戊戌倭什布奏言李淑等股匪飄忽無常

而歇馬河爲南漳宜城遠安三屬交界之所路  
路可通一至南漳卽信宿可達襄陽設賊匪由  
宜城遠安東竄則下游一帶汛守空虚竟可直  
抵荆關所關甚重當卽鼓勵將弁兵勇分爲兩

路臣親率兵勇一千餘名由北路抄赴南漳並派

副將孫清元叅將全祿帶領兵勇一千數百名

由西抄赴賊東以爲兩面兜截之計各兵勇人

人奮勉冒雨漏夜前進臣於初一日行至南漳

之界山探聞前隊賊匪由北峯寺一帶蜂擁而

來當卽派令遊擊曹星都司胥泗起等帶領兵

勇於賊匪來路之山溝林深處所逐段設伏賊

匪行至中途官兵出其不意鎗礮齊發擊斃騎  
馬賊匪十餘名及執旗頭目一名賊匪慌亂折  
回狂奔我兵乘勢從後下壓追殺二十餘里斃  
賊一百五六十名生擒李道坤等三十餘名餘  
匪仍竄回北峯寺據險屯聚其時後股之賊尙  
在歇馬河歐家店一帶分屯滋擾副將孫清元  
率領兵勇繞至賊東適遇賊匪探馬六名當被

兵勇鎗斃賊卽分爲三起一由大路迎拒官兵  
一由溪河衝出欲抄我兵後路一伏深林之中  
計圖伺便夾攻該副將當派千總黃富國鄉勇  
首行營千總鄭光明帶領練勇截剿林中伏賊  
並令守備王占鰲吳純俊帶領兵勇敵住河下  
衝出之賊該副將與叅將全祿都司鄧興相等  
帶領官兵由大路直前迎剿三路同時並進共

擊斃賊匪二百數十人帶傷者甚多賊各潰亂  
四散奔逃兵勇分路追殺又斃賊數十名生擒  
執旗頭曰陳永貴周俸朝二名并獲散賊六十  
七名千總黃富國往來衝陣大聲喊稱被裏良  
民拋棄刀矛散出投降免遭殺戮當時男婦人  
等四散投出者七百餘人現在查明住址資送  
回籍是晚賊匪俱竄奔北峯寺與前賊會合

臣

當卽差弁繞道約會孫清元於次日午刻齊向  
北峯寺進攻賊匪於山溝密箐中蟻聚埋伏我  
兵兩路並進賊匪分投迎拒攬殺多時斃賊一  
百餘名擒獲執旗頭目楊在奉陳士華劉明德  
三名并散賊五十八名其被裹男婦四散投出  
者又有三百餘人陣亡千總解化龍一員兵勇  
亦間有傷亡其餘賊匪翻山越嶺俱由西南歸



家臣奔往興山後界坪一帶訊據獲賊供稱李  
淑等連日被官兵殺敗亦料不能竄往襄陽欲  
由興山巴東仍回川省當將賊目陳永貴等五  
名寸磔處死其連日所獲散賊一百六十餘名  
內有九十五名俱係被裹勉從當卽解回各原  
籍安插餘賊六十七名供認殺人放火各予正  
法此次臨陣殲擒及被裹逃出者幾及二千人

賊勢已漸形窮蹙臣現與孫清元帶領兵勇緊

躡追襲一面仍飛飭總兵王凱如果賊匪竄入

巴東境內卽酌帶防邊兵勇迎前截剿與臣兩

面夾擊至山西頭二起官兵共一千名業於初

一初三兩日先後到襄臣現在飛飭領兵官迅

速來營所有屯聚房縣上龕一帶之樊姓等股

賊匪現據探報已竄入九道梁薛家坪等處并

准勅保咨會已派副都統德楞泰帶領勁兵六

千餘名赴楚協剿臣查德楞泰現駐大寧之徐

家壩距房縣九道梁甚近臣已開明路徑飛咨

德楞泰先將九道梁薛家坪屯聚之賊兜圍截

剿廓清後路再行移兵東向與臣會辦李淑等

股彼時山西官兵已可到齊定能一鼓集事所

有陣亡弁兵鄉勇另行查明咨部再臣接奉

諭旨以鄖陽一帶賊衆兵單

勅令明亮興肇帶所調山西兵丁赴楚協剿並令額

勒登保前來幫助

臣

思李淑等股現經連日剿

敗大挫賊鋒而房縣九道梁等處竄聚之賊又

經勒保派令德楞泰前來協剿均可不致東竄

此時張漢潮一股尙未撲滅卽額勒登保亦有

應辦之賊若令明亮等俱行赴楚恐有顧此遺

彼之虞

臣

不揣冒昧已經行飛咨明亮額勒登

保仍回川陝剿賊毋庸再來楚省奏入

上命軍機大臣傳諭倭什布曰朕因川匪竄近保康  
南漳一帶荆襄關係緊要節經降旨調將添兵籌  
撥軍餉連日正深焦切茲據倭什布奏前後殲擒  
賊匪及投出者幾二千人賊勢已形窮蹙皆往西  
南奔竄東北一帶可保無虞倭什布與孫清元以

少擊衆俱爲十分出力可嘉之至已另降諭旨分  
別加恩其陣亡之千總解化龍卽著咨部賜卹鄉  
勇內凡有陣亡者亦卽詳細查明照兵丁例一體  
咨部予卹不可稍存膜視此次帶兵各員弁內如  
有奮勉出力之人並著倭什布查明保奏候旨加  
恩其鄉勇內有實在出力者亦卽一同保列酌量  
賞給頂戴俾急公敵愾之人知所鼓勵至現在賊

匪向西南奔竄經倭什布孫清元帶兵緊蹙追剿而巴東一帶有總兵王凱在彼駐守正可迎前截擊倭什布務須緊跟賊蹤不予以暇咨會王凱迅速迎前兩面夾攻肅清此股但此次所剿止係李淑等一股賊匪而第二股之辛聰張添倫第三股之高均德樊人傑等究在何處奔竄摺內未據提及此時德楞泰在大寧之徐家壩距房縣九道梁

甚近經倭什布開明路逕知會前往計德楞泰日  
內已可前抵該處將九道梁薛家坪屯聚之賊乘  
機進剿如倭什布能將李淑一股辦竣帶領勝兵  
移赴房縣則德楞泰由西南而來倭什布由東北  
前往將各股屯聚肆擾之賊兩面攻擊以次殄除  
廓清川楚邊境則倭什布之功績尤著必懇賞酬  
庸也至飛咨明亮額勒登保值 赴楚所見甚是



此時賊蹤遠竄德楞泰已帶兵六千餘名到楚而山西兵丁三千名亦接續前往是合之該省原有兵數已及萬餘足敷剿捕明亮額勒登保俱有專辦之賊自應一手辦竣更爲得力

上諭內閣曰此次剿捕賊匪倭什布緊躡追襲痛加殲戮副將孫清元分路並進奮力抄擊賊匪皆向西南奔竄荆襄要地不致復被滋擾深爲出力可

嘉倭什布著賞給雲騎尉世職並著該督於伊請  
子內自擇一人送部引見令其承襲副將孫清元  
著賞給總兵銜千總黃富國於往來衝陣之時大  
呼招降當時投出者卽有七百餘人尤爲奮勉著  
先賞守備銜遇有缺出卽行陞補其倭什布與副  
將孫清元所帶兩路兵丁俱著賞給一月錢糧用  
示獎勵

上又命軍機大臣傳諭吳熊光曰前日川省各股賊  
匪竄入竹山竹谿一帶楚境較爲著重有需添兵  
剿辦節經調派山西及盛京吉林黑龍江官兵前  
赴湖北現在副都統額勒亨額已帶盛京頭起兵  
到京於十三日起程前進其餘各起俱係間日行  
走自可接續而至但現據倭什布奏李淑等股賊  
匪經官兵在南漳地方分路追剿臨陣殲擒及被

裏投出者幾及二千人李淑等不能竄往襄陽欲  
由興山巴東一帶仍回川省是湖北情形與前畧  
異今已諭令額勒亨額於行抵河南時先行面見  
吳熊光再定進止吳熊光卽當派員探聽陝楚兩  
路軍情務得確實於額勒亨額到時詳悉告知如  
陝省張漢潮一股業經剿盡竟可無需此項兵力  
卽令額勒亨額仍赴湖北以爲搜剿餘匪之用

張逆尚在奔逃未能擒獲而楚省餘匪已就廓清  
卽令額勒亨額徑赴陝西軍營協同圍剿惟在吳  
熊光斟酌緩急隨機應變於盛京兵到豫時令其  
前赴何省之處卽行馳奏

同日高杞奏言據鄖屬房竹等縣稟報李淑等  
股賊匪竄入房縣境內疊經倭什布督率官兵  
迎頭截剿尚未東奔

臣

思鄖屬地方邊境綿長

倭什布處兵力稍單本省無可調撥省城雖有  
新募入伍兵丁數亦無多武漢所屬地方原有  
舊日從教之人近省之蒲圻等縣上年曾有教  
匪起事此番一聞賊警未免人心惶惑必須有  
備無患但恐賊向襄陽下游狂竄又不得不權

宜緩急

臣

正擬挑帶新兵數百名馳赴襄陽策

應茲於八月初三日復接倭什布咨會賊匪李

淑等疊經兵勇截剿退歸仙家坪一帶賊匪不據  
險相持現奉

諭旨飭令川省原剿官兵赴楚幫剿并蒙

特派山西官兵三千名盛京官兵二千名前來協剿

日內即可陸續抵襄又接到勒保咨會現派德

楞泰帶領馬步官兵六千餘名來楚幫同剿賊

大兵刻日雲集荆襄各局先已裁撤糧餉軍火

需用浩繁當此喫緊之際未便稍有遲悞司庫  
祇存應支別款銀四十餘萬亦係現須發領之  
項又不得不移緩就急當飭藩司孫玉庭通融  
借撥銀二十萬兩由陸路趕解赴襄交與該府  
張琰就近經理隨時轉解應用一面籌撥米石  
並督率省局司道趕緊寬辦軍火鍋帳等項雇  
資夫騾分派安員源源運解赴營一面飛咨江



西安徽二省速將應撥協餉各五十萬兩迅速  
如數解楚務期接濟無悞以利軍行至此次賊  
匪闖入房縣北有漢江之隔水勢尙大船已提  
歸北岸勢難越渡或恐賊匪偵知本年各處秋  
禾豐稔妄思掠食臣已諄飭地方各官遍加傳  
諭大兵現在會剿賊已無路可遁務各團集保  
守切勿驚懼遷徙并將糧食各自收藏謹密以

免失所

臣

俟軍需一切督辦就緒隨時酌量情

形如應赴襄策應立即倍道馳往斷不敢稍事

拘泥奏入

上命軍機大臣傳諭高杞曰楚省軍需據高杞奏司

庫中現存銀四十萬兩已飭孫玉庭通融借撥銀

二十萬兩江西安徽協撥銀一百萬兩茲又於內

務府撥解銀四十萬兩交吳熊光存貯河南藩庫

以備楚省撥用通計存撥欵項幾及二百萬兩之多自可無虞缺乏況現據倭什布奏李淑等竄匪經官兵痛加殲戮有折回川省之勢此時賊氛既退需用無多如可無須豫省撥濟則昨所撥內務府銀四十萬兩卽存貯豫省高杞不必再向吳熊光支撥總在該撫綜核撙節務期實用實銷斷不可稍涉浮冒致滋糜費

同日

上命軍機大臣傳諭魁倫曰廣興來京復命據奏川  
省七盤關地方有四川遊擊尤漢玉帶兵駐守賊  
來則避匿他處賊去始出而閉住以致賊匪在該  
處往返三次無人阻禦詢之該遊擊據稱彼處從  
無賊匪經過而查看該關口曾被焚燒是卽爲賊  
匪滋擾明驗等語帶兵官員駐守要地理宜嚴密

防堵遇賊則奮勉剿擊豈有恇怯退避任賊往來自如之理著魁倫卽行詳切查明如果廣興所奏屬實該處實係被賊經過三次該遊擊實皆避賊遠匿而關口實被焚燒則尤漢玉之罪自不可寬卽著據實查叅另派幹員前往駐守以肅軍紀而嚴備禦

十四日

庚子

明亮奏言稱

臣

欽奉

諭旨明亮等既在陝楚豫三省交界屯紮離鄖陽鄖  
西較近賊匪若竄至鄖陽一帶明亮即可迎頭截  
殺等因臣受

恩深重凡遇重大軍務必當斟酌緩急實心妥辦查  
四川現有官兵數萬帶兵大臣有額勒登保等  
數人足敷剿辦至於查詢勒保事件已有魁倫  
馳往自易水落石出陝省張漢潮一股賊匪本

屬無多且無伎倆惟恃善於鋌走今官兵萬餘  
果能和衷共濟圍剿一二次即可速望成功現  
有慶成永保綸布春富成及鎮將等亦可掃除  
此股惟湖北督臣倭什布本屬文員雖實心布  
置柰兵少地廣兼之帶兵員弁亦少熟諳之人  
今川匪李淑徐添德宋應子等擁二萬餘孽突  
入楚境若不及早剿辦於大局多有未便以事

之緩急而論

臣

本當與興肇酌帶官兵二千名

趕赴楚省協剿但張漢湖大股賊匪雖經

臣在

紅河寺剿敗已竄過商州翻秦嶺口向兩河一

帶奔逃離豫省交界尚近該逆或折往豫省或

竄往藍田或直向正西入棧由舊竄之路狂奔

均未可定

臣

現已統領官兵回抵商州趕緊確

探賊蹤一面堵禦扎竄入豫要路一面繕赴藍



田孝義攔截竄入西安省城之大路

臣

行抵高

橋地方沿途查看白虹門寺龍王廟至高橋一

帶百姓團集鄉勇每處或一千及七八百名不

等追趕賊尾打仗三次殺賊百餘名

臣

皆面爲

鼓勵量加獎賞詢問慶成永保官兵業已趕緊

追下

臣

此時不能抄赴賊前萬分焦灼惟趕緊

會合慶成等若能一鼓掃蕩實爲萬幸或該逆

尚在稽誅臣與慶成等商定一切分撥官兵俟  
接奉

批示謹遵

聖訓辦理臣

已飛咨倭什布速將楚省賊情星飛知

會如賊匪已折回川省臣

自可無庸前往若急

須臣

帶兵赴楚協剿俟咨覆到來臣

即將張逆

一股賊匪專交慶成不保接辦臣

一面奏

聞一面卽同興肇帶兵赴楚相機剿辦奏入

上命軍機大臣傳諭明亮曰張漢潮一股經官兵在紅河寺剿敗之後復竄過商州翻秦嶺口向兩河一帶奔逃明亮因該匪距豫省交界尚近不赴楚省協剿竄匪卽回抵商州確探張逆蹤跡一面堵禦入豫要路一面繕赴藍田孝義攔截賊匪竄入西安省城之大路此籌緩急機宜尚爲得當現在

楚省剿辦李淑等股賊匪兵勇有萬餘名已足敷用並經倭什布飛咨明亮囑令在陝剿賊無庸來楚諒明亮亦早經接到而川省之賊又有魁倫在彼督辦以各股賊匪情形而論張漢潮最爲狡猾可恨明亮自當將此股迅速剿除務期淨盡至慶成永保二人屢經降旨飭令併力合剿乃遷延推諉並未將如何會剿之處隨時關會明亮竟係各

存意見有心延玩況永保係署陝西巡撫關境皆其所轄欲通信息自屬易事豈有明亮在何處追剿賊匪永保等竟不能得信之理是伊二人與明亮不能和衷朕已早經料及今剿辦竄匪係明亮居首慶成永保及將弁等員皆受明亮節制明亮務須力加振作上緊剿辦如慶成永保及各將弁等果能實心出力協同奮擊卽有與明亮平素不

和之人亦當據實保奏倘有不聽調度心存怠玩  
卽素與明亮和好者亦當據實劾參方可期人人  
用命現在明亮一路已有官兵萬餘今又添調盛  
京及吉林黑龍江官兵共有四千昨已降旨令吳  
熊光酌量情形如楚省無須此項兵力俱令由河  
南徑赴陝省協剿張逆今楚省賊氛漸遠諒吳熊  
光亦必令三處新兵陸續赴陝應用是明亮處添

此勁旅聲勢尤爲壯盛況張漢潮本係老病無能  
又節據明亮吳熊光奏該逆先經得受鎗傷後又  
跌傷左腿豈能遠颺現復據明亮奏稱張逆一股  
爲數無多且無伎倆明亮以如許多兵剿此敗殘  
之賊豈尚不能尅期撲滅從前明亮曾經酌籌堵  
剿事宜商定四面布置今當張逆窮蹙之餘何不  
仍用前策合圍兜擊乃率領多兵惟事跟蹤追剿

致令輾轉逃竄耶明亮出師金川曾任將軍隨同  
阿桂辦理軍務現在交伊專辦賊匪務當以阿桂  
之運籌調度爲法而以福康安孫士毅之謊飾取  
巧爲戒至張漢潮擒獲後似此垂斃之賊亦不值  
解京辦理卽當於該處先行盡法處治按律凌遲  
仍傳首該逆曾經滋擾地方示衆以洩衆忿而彰  
國法其餘夥匪亦須搜捕無遺並以迅速爲要至



明亮於剿辦張逆淨盡後其應往何路協剿之處  
未便遙制著自行酌量川陝楚三處何處最爲緊  
要卽行帶兵前往斷不可如勒保之自擇偏僻無  
賊處所日久駐劄藉口居中調度漫無展布也

十六日壬寅吳熊光奏言陝省張漢潮大股賊匪

與兩小股均竄至北面雒南藍田一帶臣查雒

南之雞頭關藥莊均與盧氏接壤鎮臣張文奇

帶兵駐劄樂莊恐一時不及兼顧或各股賊匪  
一經明亮等夾擊鋌而走險則雞頭關不可不  
預爲戒備臣於初八日率同縣丞林嵐帶領開  
封義勇由官坡前赴雞頭關督率防範一面差  
探張漢潮分股賊匪千餘人竄至藍田屬之大  
陽坡一帶經慶成永保等兩路夾剿殲擒大半  
餘匪向西逃奔又一股約五六百人竄至雞南

縣之黃鰲溝經龍駒寨鄉勇兩次追擊折回勢  
亦窮蹙而張漢潮大股於初四五日竄至藍田  
屬之紅石溝等處節經該處鄉勇截殺數十人  
至百餘人不等賊匪逃往紅門寺一帶明亮帶  
兵追剿查藍田之紅門寺一帶距雒南縣城二  
百餘里離豫省邊界稍遠臣卽飛移張文奇督  
率將備仍於樂莊及雞頭關一帶查探賊蹤嚴

密防範且聞張漢潮一股因官兵追剿緊急不  
擇路徑奔竄尤須加意嚴防是以開封義勇仍  
暫留雞頭關幫同防守臣於十一日起程前赴  
荊子關以便兼顧西南兩路就近董率完顏岱  
嚴防江岸正在起程間接奉

諭旨令於鄉勇內挑補缺額兵數偵探賊蹤嚴爲防

堵臣查豫省廬浙一帶向無鄉勇俱由開封鄧

州兩處募充開封鄉勇經林嵐管帶操練尚爲

得力

臣

擬卽作爲撫標兵丁其各頭目曾經倭

什布賞給行營頂戴卽擬以外委把總等官酌

量拔補鄧州鄉勇本係隨募隨散未經常川操

演

臣

前因兵力不敷當飭完顏岱陳鍾琛等將

鄉勇酌量挑補餘丁旋據該道等稟覆以該勇

等因充勇可以來去自如不願入伍未便強以

相從隨與鎮臣張文奇田永利密商令於各營

官兵子弟內挑選餘丁俟有成數再將鄧州鄉

勇酌裁乃兩月以來報充者僅止五六百人今

蒙

諭旨飭令挑補兵額則各處鄉勇等知上進有階自

必踴躍入伍卽各營召募亦必較前認真臣卽

飛移兩鎮轉飭各營趕緊挑募新兵以備調用

仍俟兩鎮查明彙有成數再行奏

聞至楚北賊匪李淑等股現在房縣南漳等處滋擾

山西官兵三千名經臣節次飛催業於本月初

間全數抵楚其前派

盛京官兵二千名與現派之吉林黑龍江兵丁各

一千名均令赴楚協剿臣一面將添調大兵並

募補新兵之處廣爲傳播用示聲威一面飛札

藩臬兩司轉飭由直入豫經過各地方官先期  
安設臺站預備車馬供頓並派委大員沿途照  
料催僨迅速前進再

盛京吉林黑龍江等處官兵每兵一名各需馬三  
匹現在豫省所存軍需馬不過五百餘匹不敷  
應用應請由山東山西兩省酌量協濟奏入

上命軍機大臣傳諭吳熊光曰吳熊光奏豫省邊境



防堵情形與明亮等節次奏報相同惟稱李淑等  
嚴現在房縣南漳等處滋擾則係從前之事吳熊  
光探聞未確昨據倭什布奏已與副將孫清元將  
李淑等連次剿殺賊已向西南興山一帶奔竄有  
欲回川省之意是此股賊匪已經敗竄想吳熊光  
尚未得信前日因楚北賊氛漸遠曾降旨令吳熊  
光於盛京等處兵丁到豫時察看楚陝兩省賊情

應赴何處協剿卽面告額勒亨額帶領前往朕初  
意以楚省竄匪已經逼往西南吳熊光自必令盛  
京吉林黑龍江官兵徑赴陝省今又思湖北李淑  
等一股雖已折竄興巴或係倭什布妄報亦未可  
定卽使第一股折竄而第二股之辛聰張添德第  
三股之高均德樊人傑尚在楚省邊境游奕或仍  
竄至房竹一帶楚省不免尚須兵力若盛京等處

官兵於行抵江岸時令其繞赴陝西未免舍近就遠且近聞明亮追剿張漢潮一股有兵萬餘並非因力量不敷竟係明亮因此股賊匪若經剿竣伊必須前往川省聽候勒保調度伊曾與溫福在金川共事今居其子勒保之下心懷不甘是以不肯認真剿辦甚至遇見賊匪或遷延尾追或過營不問或可以就擒而縱令逸去其意併欲將賊匪驅

人河南伊得以追剿爲詞耽擱時日可以不往四川而永保又與明亮彼此不和甚至有爭鬧之事以致此股敗殘之賊日久未能剿淨若使明亮等果肯併力奮擊早可撲滅無遺是此時陝省所慮者不在無兵而湖北轉需兵力接濟仍著吳熊光悉心斟酌如探明湖北各股賊匪已經倭什布德楞泰等殲盡或俱逼回川省遠離楚境則盛京等

處官兵仍可令其赴陝以備川省協剿之用倘楚  
北竄匪尙在需兵搜捕卽令赴楚應用總在吳熊  
光確探賊情臨期妥籌也至明亮不肯入川之故  
自因勒保係其晚輩恥居其下其與永保彼此不  
和自必素有嫌隙明亮經朕委以剿賊重任乃輒  
因私憤膽敢貽誤軍務殊出情理之外吳熊光駐  
劄地方距陝較近自必有所傳聞或訪之屬員與

論當可得其實情如查有挾嫌悞公縱賊奏冠實  
在情事卽密行據實叅奏不可絲毫迴護

上又命軍機大臣傳諭山東巡撫陳大文山西巡撫  
伯麟曰此次盛京吉林黑龍江等處官兵需用馬  
匹較多現據吳熊光奏豫省無多餘馬匹而湖北  
又當剿賊緊要之時自不能多爲購備著陳大文  
伯麟於各處營伍內挑選壯馬匹迅速解往應

用並著查明可以抽撥若干之處先行具奏

同日

上命軍機大臣傳諭倭什布曰本日祖之望到京據稱從前查辦胡齊崙侵扣軍需曾於伊寓內搜出賬簿一本俱係餽送領兵大員欸項於七月初二日將此項賬簿交倭什布等語此項賬簿俱係開列餽送欸項及受餽之人既經祖之望查出交與

該督自當據實陳奏將原賬呈覽聽候核辦倭什  
布由山西河南甫任湖北此事與伊本無關涉乃  
竟隱匿不奏是何意見豈竟欲代爲消弭化有事  
爲無事真屬外省朦蔽陋習最爲可恨倭什布著  
傳旨嚴行申飭此時既經破露自應和盤托出著  
倭什布卽將抄出原賬由驛遞進呈倘倭什布因  
賬內受餽之人有係伊親戚交好者輒將名姓私



行挖改或另寫更換亦任其所爲現有祖之望在京自能辨識且受餽之人及所餽數目祖之望亦皆記憶伊現已陳明決不肯代爲瞞隱一經指出則倭什布能在朕前尋行欺罔乎若倭什布於未奉此旨之前此項賬簿先行燒燬亦當據實檢舉聽候諭旨倘原賬簿尚存而因奉有此旨轉行燬去滅迹捏稱燒燬在前則是倭什布先旣隱匿不

奏又復於事後藉詞冀圖避重就輕居心巧詐其  
罪尤不可問矣如倭什布自知悔懼於接奉諭旨  
後卽將原存賬目據實陳出猶可念其剿辦李淑  
等股匪以少擊衆著有微勞尚當曲加恩宥也至  
李淑等一股向西南逃竄後是否折回巴東該處  
有王凱在彼迎擊曾否將賊匪痛加殲戮其第二  
股之辛聰張添倫第三股之高均德樊人傑等俱

在何處奔竄此時德楞泰自己抵房縣一帶如何  
會同截剿何股已經剿淨並著卽行具奏